



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/06-00219 pillugu pingasunngornermi ulloq 13. december 2006-imi aalajangiinera pillugu Naalakkersuisut ilisimatitsineq.

(Naalakkersuisut siulittaasuata ulloq 13. december 2006-imi aalajangiinerani imm. 1)

Alluitsoq pillugu suliamut itisiliiffiusumik nassuiaat aamma nutaamik isummernissamut qinnuteqaat

Naalakkersuisut **inassutigaaat**,

- kontomi pingaarnermi 87.73.10-mi, Umiarsualivinnik sanaartornermut tunngasumi, suliamut nr. 017.24.109-mut, Alluitsumi nutaamik talittarfiliornissamut tunngasumut, aningaasaliissutit 2.800.000 kr.-inik amerlineqassasut.
- kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit 2.300.000 kr.-inik ikilineqassasut.
- kontomi pingaarnermi 80.00.80-imi, Aningaasanut suliniutinik aallartitsinissamut sillimmatinut tunngasumi, aningaasaliissutit 500.000 kr.-inik ikilineqassasut.
- kontomi pingaarnermi 87.73.02-imi, Pisortat sanaartorfissagissaanerannut tunngasumi, suliamut nr. 017.29.104-mut, Alluitsumi sanaartorfissagissaanissamut tunngasumut, aningaasaliissutit 660.000 kr.-inik amerlineqassasut.
- kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit 660.000 kr.-inik ikilineqassasut.
- kontomi pingaarnermi 80.00.01-imut, Nuussinissanut sillimmatinut tunngasumi, aningaasaliissutit 1.100.000 kr.-inik amerlineqassasut.
- kontomi pingaarnermi 80.00.80-imi, Aningaasanut suliniutinik aallartitsinissamut sillimmatinut tunngasumi, aningaasaliissutit 1.100.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Suliami matumani pineqarput inassuteqaatit immikkoortut pingasut ataatsimut katitikkat Aningaasaqarnermut Ataatsimiititaliamit siusinnerusukkut itigartitsissutigineqartut, tak. Aningaasaqarnermut Ataatsimiititaliap suliai nr. 06-190, 06-204 aamma 06-217.

Aningaasaqarnermut Ataatsimiititaliap siusinnerusukkut aalajangiineri tunngavigalugit sulianik saqqummiusseqqinnerminni paasissutissanik itisilerutaasunik saqqummiussinertik Naalakkersuisut tunngavilersuutigai. Naalakkersuisulli tunngavilersuutitut saqqummiussaataatsimiititaliap siusinnerusukkut naalakkersuinikkut ataatsimoortumik naliliineranik allanngortitsinissamut tunngavissiinngitsut Aningaasaqarnermut Ataatsimiititaliaq isumaqarpoq.

Tamatuma saniatigut suliaq suli nukinginnartuusoq Naalakkersuisut saqqummiuppaat, tassa Realdaniamut kingusinnerpaamik ulloq 15. december 2006-imi neriorsuuteqarnissaq pisariaqarnerarlugu.

Alluitsumut suliniummut tunngatillugu Aningaasaqarnermut Ataatsimiititaliaq paasissutissanik annertunerusunik nammineq pissarsiniarsimavoq. Taamaalillunilu Alluitsumut suliniummi soqutigisaqarsinnaasut apersoriartorlugit Siunnersuisartoqatigiit ”Bygningskultur Danmark” (<http://www.raadvad.dk/>) Realdania sinnerlugu Kalaallit Nunaanniissimasut Aningaasaqarnermut Ataatsimiititaliamit paasineqarpoq. Tamannalu nalunaarusiaagallartumik Realdaniamut tunniunneqarsimasumik inerneqarsimavoq. Aningaasaqarnermut Ataatsimiititaliap aalajangiinera ilanngullugu nalunaarusiaq taanna Alluitsumut suliniummi akuunissaq pillugu Realdaniap inaarutaasumik ataatsimoortumillu isummernissaani tunngaviussaaq. Aalajangiinissamut inaarutaasumik tunngavissaq pigineqaleriarpat suliap oqaluuserineqarlunilu naliliiffiginissaa siunertaralugu Realdania kattuffimmik 3F-imik peqateqarluni 2007-imi januarip qaammataani siullermi ataatsimiissaaq. Tamatuma kingorna suliniut pillugu inaarutaasumik isummernissap 2007-imi februar-marts 2007-imi pinissaa naatsorsuutigineqarpoq. Taamaalillunilu aningaasanik tapiissuteqarnissaq Realdaniap tungaanit suli inaarutaasumik isummerfigineqarsimanngilaq.

”Bygningskultur Danmark”-ip nalunaarusiaata juullertinnagu suliarineqarsinnaanissaa Realdaniap neriuutigisimagaluarpaat. Nalunaarusiarli inaarutaasoq naammassillugu suli suliarineqanngilaq. Taamaattumillu suliassaq ukioq manna aalajangiiffigineqarsinnaanngilluinnarluni. Taamaattumillu Naalakkersuisut allataattut 15. december nallertinnagu nunatsinnit isummernissaq Realdaniamit pisariaqartinneqaranilu piumasaaqatigineqanngilaq.

Tamanna tunngavigalugu Alluitsumut suliniutip isummerfigineqarnissaa naammattumik tunngavissaqarani tuaviuutipilussallugu pisariaqanngitsoq Aningaasaqarnermut Ataatsimiititaliaq isumaqarpoq. Taamatuttaaq aningaasanut inatsisip atuuffiani ukiumi matumani suliassaq pinngitsoorani isummerfigineqartariaqartutut ataatsimiititaliamit isumaqarfigineqanngilaq.

Akerlianilli ataatsimiititaliaq isumaqarpoq Naalakkersuisut tamanna kissaatiginartissagunikku Alluitsumut suliniut pillugu qinnuteqaammik nutaamik tamakkiisuusumillu 2007-imi januarip aallartinnerani nassiusseqqittariaqartut. Qinnuteqaat taamaattoq minnerpaamik makku pillugit paasissutissanik annertunerusunik imaqtartariaqartoq ataatsimiititaliaq isumaqarpoq:

1. Nalunaarusiaagallartutut saqqummiunneqartumi siuliani taaneqartumi Alluitsumut suliniummi kaammattuutit naliliinerillu ”Bygningskultur Danmark”-ip saqqummiussai. Nalunaarusiaq ajornanngippat qinnuteqaammut ilanngullugu nassiunneqartariaqarpoq.
2. Alluitsumut suliniummi Sulisartut Højskoliata akuunera pillugu ataatsimoortumik nassuiaat ukununga agguataarlugu
 - a. Suliniummut tunngasortai
 - b. Ingerlatsinerumut tunngasortai, tassa allanngortiterinerup naammassinerata kingorna.
3. Alluitsumut suliniummut kujataani kommunit akuunissaannut soqutiginninneranullu naatsorsuutigisat pillugit ataatsimoortumik nassuiaat.
4. Alluitsumi illunut piginnittuunissamut pissutsit inaarutaasut, tassunga ilanngullugit
 - a. Aningaasaqarnikkut ingerlatsinikkullu tunngavissat qanoq ittut atorlugit illut Namminersornerullutik Oqartussanit tunniunneqassanersut pillugit nassuiaat.
5. Inatsisartut Ombudsmandiata 1999-imi ukiumoortumik nalunaarutaata kalaallisuuani qupperneq 224-imi ”40-2 Sanaassaq pillugu anngiortumik

isumaqatigiissuteqartarnermut atatillugu suliap suliarineqarnissaanik piumasaqarneq” Inatsisartut Ombudsmandiata ataatsimoortumik oqariartuutai eqqarsaatigalugit Namminersornerullutik Oqartussat Alluitsumi illuutaasa tunineqarnissaasa inatsisinik unioqquutitsinerunnginneranik naapertuussuseqarneranillu nassuiaat. Naluneqanngitsutut suliami tassani Ombudsmandi ilaatigut ima naliliivoq ”...akuerineqarsinnaangilluinnartuusoraa... Namminersornerullutik Oqartussat illuutaata, ...neqeroorutigeqqaarnagu...., tunineqarnissaanik...”.

6. Alluitsumut suliniutip takornariaqarnikkut periarfissaanik naliliineq kiisalu Inuussutissarsiornermut, Suliffeqarnermut Inuussutissarsiuutinullu Ilinniartitaanermit Naalakkersuisup nalinginnaasumik naliliinera. Taamatut naliliineq Inuussutissarsiornermut Pisortaqarfimmut tusarniaanermut atatillugu kiisalu Pisortaqarfimmit tusarniaanermut akissutip Aningaasaqarnermut Ataatsimiititaliamut nassiunneqarneranut atatillugu pisinnaavoq.
7. Lærlinginik paarlaasseqatigiittarnissamik suliniutip ingerlaqqinnerani killiffik.

Aningaasaqarnermut Ataatsimiititaliap 2007-imi nalinginnaasumik ataatsimiinnissaa pissaaq ulloq 10. januar. Naalakkersuisunit qinnuteqaataajunnartoq ataatsimiinnissaa ullunik arfinilinnik sioqqullugu nassiunneqareersimassaaq.

Naalakkersuisut inassuteqaatai marluk kingulliit missingersuusiortarnermut tunngasut 2007-imi soorunami nutaamik suliareqqinneqarsinnaanngillat. Naalakkersuisut aningaasaliissuteqarnissamik qinnuteqaataani 06-204-mi, inassuteqaatinut taakkununga marlunnut atasumi kontop pingaarnerup 80.00.80-ip, Aningaasanut suliniutinik aallartitsinissamut sillimmatinut tunngasup, aningaasartaarutsinneqarnissaa siunertaammat kontomit pingaarnermit tassanga kontomut pingaarnermut 80.00.01-mut, Nuussinissamut sillimmatinut tunngasumut, aningaasanik 2006-imi nuussinissap naalakkersuinikkut isummerfigineqarnissaa ajornaquteqanngitsutut Aningaasaqarnermut Ataatsimiititaliamit isigineqarpoq. Aningaasat suliniutinut aalajangersimasunut pituttugaanngimmata ukiup taamaalinerani aningaasat kontomi sorlermiluunniit inissisimagaluarpata maanna atorneqarsinnaanissaat ilimanaateqanngilaq, taamaattumillu qanorluunniit pisoqaraluarpat ukioq aningaasanut inatsisip atuuffia naappat taakku Landskarsimut utertussaapput. Taamaalillunilu konto pingaarneq 80.00.80 ulloq 1. januar 2007 aallarnerfigalugu isumaminik aningaasartaaruttussaavoq, tassami kontomi pingaarnermi 2007-imi aningaasaliissuteqartoqarsimanngilaq.

Kiisalu Naalakkersuisut aningaasaliissuteqarnissamik qinnuteqaataani matumani oqaatsinik atuinerat pissusissamisunngitsoq ataatsimiititaliaq isumaqarpoq. Minnerunngitsumik tamanna atuuppoq Aningaasaqarnermut Ataatsimiititaliaq ”eqqortumik aalajangiisimannnginnerarlugu” Naalakkersuisut oqaatiginninnerat eqqarsaatigalugu. Taamaaliornikkut Naalakkersuisut Aningaasaqarnermut Ataatsimiititaliap suleriaasianut ilisimasaqannginnerat taamatullu Inatsisartut Aningaasaqarnermut Ataatsimiititaliaata sulineranut ataqinninnginnerat ersersinneqartoq ataatsimiititaliaq isumaqarpoq. Tassunga atatillugu Naalakkersuisut soqutigisaat apeqqutaatinnagit ataatsimiititaliaq pingaartitatut isigisani naapertorlugit nammineerluni aalajangiisarmat Aningaasaqarnermut Ataatsimiititaliamit oqaatigineqassaaq. Ataatsimiititaliap aalajangiineri naapertuullutillu pissusissamisoornersut pillugit Naalakkersuisut oqaaseqartarnissaasa siunissami pisannginnissaa Aningaasaqarnermut Ataatsimiititaliamit qinnutigineqassaaq. Isummersuutit taamaattut ataatsimiititaliamut susassaqarfigineqanngillat.

Tamanna tunngavigalugu Naalakkersuisut inassuteqaataasa itigartitsissutigineqaaqarnerat ataatsimiititaliamit aalajangiusimaneqarpoq.

Aningaasaqarnermut Ataatsimiititaliap aalajangiinera

Siuliani oqaaseqaatigineqartut innersuussutigalugit Naalakkersuisut inassuteqaataat
Aningaasaqarnermut Ataatsimiititaliamit sulì **akuerineqarsinnaanngillat.**

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliap siulittaasua